

四庫全書

子部

欽定四庫全書

子部

御纂醫宗金鑑卷四十六

詳校官太醫院醫士臣程泰

編修臣倉聖脈履勘

總校官中書臣朱鈐

校對官監丞臣張曾炳

膳錄監生臣徐如灝

膳錄舉人臣李金玉

欽定四庫全書

御纂醫宗金鑑卷四十六

編輯婦科心法要訣目錄

胎前諸證門

胎前總括

惡阻總括

惡阻證治

保生湯

加味六君湯

加味溫膽湯

胞阻證治

加味平胃散

延胡四物湯

加味膠艾四物湯

蜜消湯

膠艾四物湯

加味芎歸飲

導赤散

五苓散

子腫子氣子滿脆脚皺脚證治

茯苓導水湯

子煩證治

知母飲

子懸胎上逼心證治

紫蘇飲

子癇證治

羚羊角散

鈎藤湯

子嗽證治

枳桔二陳湯

桔梗湯

轉胞證治

舉胎四物湯

阿膠五苓散

子淋證治

加味五淋散

激經胎漏尿血總括

激經胎漏尿血證治

阿膠湯

黃耆湯

銀芩酒

加味四物湯

胎不安小產墮胎總括

胎不安小產墮胎證治

加味聖愈湯

加味佛手散

十聖散

加味芎藭湯

益母丸

墮胎下血不止證治

瘀血不出證治

獨參湯

回生丹

子死腹中證治

佛手散

平胃散

辨子母存亡

胎前癥瘕

胎不長證治

子瘡證治

子啼腹內鐘鳴證治

黃連煎

藏燥證治

甘麥大棗湯

鬼胎總括

腸覃石瘕證治

香棱丸

胎前母子盛衰

御纂醫宗金鑑卷四十六目錄

欽定四庫全書

御纂醫宗金鑑卷四十六

編輯婦科心法要訣

胎前諸證門

胎前總括

妊娠胎前病惡阻胞阻腫滿氣煩懸癰嗽轉胞與子淋
激經胎漏胎不安小產死胎胎不長子瘡臟燥鬼胎連
餘病當參雜證治須知刻刻顧胎原

註

此言妊娠胎前有惡阻胞阻子腫子滿子煩子懸
子癰子嗽轉胞子淋激經胎漏胎動不安小產墮
胎子死腹中胎萎不長子瘕臍燥鬼胎等證皆當
一一詳辨熟記其餘胎前傷寒傷食瘧痢霍亂泄
瀉當於雜證門中參考治之但須時刻保護胎原
不致誤犯為要也

惡阻總括

惡心嘔吐名惡阻擇食任意過期安重者須藥主胃弱

更分胎逆痰熱寒

註婦人受孕月餘之後時時嘔吐者名曰惡阻若無

他病擇食者須隨其意而與之輕者過期自然勿藥而愈重者須以藥治之當以胃弱為主更審其或因胎氣阻逆或痰飲阻逆與夫魚熱魚寒而分治之

惡阻證治

保生湯

胎氣阻逆惟嘔吐無他兼證保生湯砂朮香附烏陳草
量加參枳引生薑

註惡阻有因胎氣阻逆者乃受胎後胞門閉塞藏氣
內阻挾胎氣上逆於胃故令惡心嘔吐也若平素
胃虛所致雖無痰飲寒熱相兼而亦有惡阻證者
宜用保生湯即砂仁白朮香附烏藥陳皮甘草也
引用生薑者以止其嘔也若氣弱者量加人參氣
實者量加枳殼

加味六君湯

痰飲惡阻吐痰水煩眩加味六君湯
枇杷藿香旋縮枳
熱秘芩軍寒桂薑

註惡阻因於痰飲者其吐必多痰水且心煩頭目眩
暈必其人平素胃虛中停痰飲也宜用加味六君
湯於六君湯內加枇杷葉藿香旋覆花縮砂枳殼
若胃熱便秘加黃芩大黃以利之胃寒喜熱加肉
桂乾薑以溫之

六君湯 方見首卷

加味溫膽湯

熱阻惡食喜涼漿心煩憤悶溫膽湯橘半茯苓甘與枳竹
更加苓連蘆麥薑

註 惡阻因於胃熱者必嘔吐心中熱煩憤悶喜飲涼

漿也宜用加味溫膽湯其方即陳皮半夏茯苓甘
草枳實竹茹名溫膽湯更加黃苓黃連蘆根麥門
冬引生薑也

胞阻總括

妊娠腹痛名胞阻須審心腹少腹間傷食心胃胎腰腹
少腹胞寒水尿難

註孕婦腹痛名為胞阻須審其痛或上在心腹之間
者多屬食滯作痛或下在腰腹之間者多屬胎氣
不安作痛若在少腹之間者則必因胞血受寒或
停水尿難作痛也

胞阻證治

加味平胃散

延胡四物湯

心胃痛多傷食滯蒼朮陳甘果枳麴便秘加軍倍甘草
胎動延胡四物宜

註孕婦心胃作痛者多因傷食停滯宜平胃散即陳

皮厚朴蒼朮甘草也加草果枳殼神麴以消之若
更大便秘結日久則加消黃以攻之然必倍甘草
以緩其峻性庶不傷胎若腰腹作痛胎動下血則

當用四物湯君以延胡以定痛而保胎也

四物湯

方見首卷

加味膠艾四物湯

蜜消湯

腹腰痛甚防胎墮膠艾四物杜酒葱外邪宜加羌獨活
內熱便秘蜜消攻

註胞蒂繫於腰凡腹腰痛者須防胎墮宜用膠艾四

物湯加杜仲大豆淋酒葱白以定痛而保胎若因

外感風寒之邪則加羌活獨活以散之若內熱大
小便閉者則用蜂蜜芒消煎湯以攻之經曰有故
無墮是也

膠艾四物湯

方見首卷

加味芎歸飲

導赤散

五苓散

胞血受寒少腹疼參吳膠艾草歸芎尿澁熱甚導赤散

木通生地甘草靈水盛陽虛五苓效木澤肉桂茯苓

註少腹作痛者乃胞中之血受寒也宜加味芎歸飲

溫之其方即人參吳茱萸阿膠蘄艾炙甘草當歸
川芎也若因尿澀而痛則是膀胱水病熱甚則以
導赤散清利之其方即生地木通甘草也若水盛
陽虛不化則以五苓散滲利之其方即茯苓白朮
澤瀉豬苓肉桂也

子腫子氣子滿脆脚皴脚總括

頭面四肢腫子腫自膝至足子氣名腫脹喘滿曰子滿
但脚腫者腕皺稱

註
頭面徧身浮腫小水短少者屬水氣為病故名曰
子腫自膝至足腫小水長者屬濕氣為病故名曰
子氣徧身俱腫腹脹而喘在六七個月時者名曰
子滿但兩脚腫而膚厚者屬濕名曰皺脚皮薄者
屬水名曰脆脚大凡水之為病多喘促氣之為病
多脹滿喘促屬肺脹滿屬脾也以其人素有水氣

濕邪故受孕有腫滿之證兒未成形被水浸漬其胎每致損壞成形尚可調治故在五六月後有是證者多有生育者也

子腫子氣子滿腕腳皺腳證治

茯苓導水湯

妊娠腫滿與子氣水氣濕邪脾肺間水氣浸胎喘難卧濕氣傷胎脹難堪均宜茯苓導水治香灰攪腹四苓攢桑砂蘇陳脹加枳腿腳防已喘葶漆

註 妊娠水腫脹滿子氣皴脚脆脚等證皆由水氣濕
邪傷於脾肺為病也若水氣盛而浸胎則必喘而
難卧若濕氣盛而傷胎則脹滿難堪皆宜用茯苓
導水湯治之方用木香木瓜櫝榔大腹皮白朮茯
苓豬苓澤瀉桑皮砂仁蘇葉陳皮以和脾肺而利
水濕脹甚者加枳殼以破結腿脚腫者加防己以
利下濕喘者加苦葶藶以泄上水也

子煩證治

知母飲

孕婦時煩名子煩胎熱乘心知母痊子苓知麥苓耆草
犀熱參虛膏渴煎

註

孕婦別無他證惟時時心煩者名曰子煩由胎中
鬱熱上乘於心也宜用知母飲即子苓知母麥冬
茯苓黃耆甘草熱甚者加犀角氣虛加人參口渴
加石膏煎服

子懸胎上逼心證治

紫蘇飲

胸膈脹滿子懸名喘甚由胎上逼心紫蘇飲用歸芎芍
陳腹蘇甘虛入參

註孕婦胸膈脹滿名曰子懸更加喘甚者名曰胎上

逼心俱宜紫蘇飲即當歸川芎白芍陳皮大腹皮
蘇梗葉甘草虛者加人參煎服

子癰證治

羚羊角散

鈎藤湯

暴仆抽搐不識人須臾自醒子癇名羚羊角散防獨杏
五加棗草薏苡仁茯苓木香羚羊角抽搐鈎藤湯寄生
人參茯神歸桔梗口喎肢廢中風成

註

孕婦忽然顛仆抽搐不省人事須臾自醒少頃復
如好人謂之子癇乃肝心二經風熱所致宜用羚羊
羊角散即防風獨活杏仁酸棗仁五加皮甘草薏
苡仁茯苓木香羚羊角也抽搐甚者用鈎藤湯乃

鉤藤桑寄生人參茯神當歸桔梗也若口眼喎斜
半身不遂則已成中風廢證當參風門治之

子嗽證治

枳桔二陳湯

桔梗湯

妊娠咳嗽名子嗽陰虛痰飲感風寒痰飲二陳加枳桔
風寒桔梗湯可安紫蘇桔梗麻桑杏赤苓天冬合貝前
久嗽陰虛宜清潤麥味地黃湯自痊

註
妊娠咳嗽謂之子嗽嗽久每致傷胎有陰虛火動

痰飲上逆有感冒風寒之不同因痰飲者用二陳
湯加枳殼桔梗治之因感冒風寒者用桔梗湯即
紫蘇葉桔梗麻黃桑白皮杏仁赤茯苓天冬百合
川貝母前胡也若久嗽屬陰虛宜滋陰潤肺以清
潤之用麥味地黃湯治之

六味地黃湯

方見首卷

轉胞證治

舉胎四物湯

阿膠五苓散

飲食如常煩不卧不得小便轉胞稱舉胎救急丹溪法
四物升麻參朮陳服後探吐吐再服不應阿膠入五苓
註妊娠胎壓胞系了戾不得小便飲食如常心煩不

得卧者名曰轉胞宜用丹溪舉胎法令穩婆香油
塗手舉胎起則尿自出以暫救其急然後以四物
湯加升麻人參白朮陳皮煎服服後以指探吐吐

後再服再吐如此三四次則胎舉而小便利矣如不應則是有飲用五苓散加阿膠以清利之

四物湯

方見首卷

子淋證治

加味五淋散

子淋頻濁窘澁疼五淋梔苓歸芍苓甘草再加生地澤車前滑石木通尋

註孕婦小便頻數窘澁點滴疼痛名曰子淋宜五淋

散即黑梔赤茯苓當歸白芍黃芩甘草加生地澤瀉車前子滑石木通以清熱而利水則小便自通矣

激經胎漏尿血總括

妊娠經來名激經胎漏下血腹不疼若是傷胎腹必痛尿血漏血要分明

註婦人受孕之後仍復行經者名曰激經為血有餘若孕婦無故下血或下黃汁豆汁而腹不痛者謂

之胎漏若其胎已傷而下血者其腹必疼孕婦又有尿血一證腹亦不痛然與胎漏之證又不同蓋尿血出於溺孔漏血出自人門三者俱下血而各不同治者不可不詳辨也

激經胎漏尿血證治

阿膠湯

黃耆湯

銀芩酒

加味四物湯

激經無病不須治子大能食經自停胎漏下血多因熱
四物阿膠梔側苓或下黃汁豆汁樣黃耆糯米苧根銀
若是尿血膀胱熱四物血餘共茅根

註

激經無他證相兼者不須用藥其胎壯子大能食
其血而經自停若胎漏下血多屬血熱宜阿膠湯
清之其方即四物湯加阿膠黑梔側柏葉黃芩也
或漏下黃汁或如豆汁甚多者其胎乾枯必倚而

墮宜用黃耆湯即黃耆二兩糯米一合煎服或銀
芩酒即芩麻根紋銀煎酒服若尿血則是膀胱血
熱宜四物湯加血餘白茅根以涼之

四物湯

方見首卷

胎不安小產墮胎總括

血氣充實胎自安衝任虛弱損胎原暴怒房勞傷肝腎
疾病相干跌撲顛五月成形名小產未成形象墮胎言
無故至期數小產須慎胎為慾火煎

註

孕婦氣血充足形體壯實則胎氣安固若衝任二經虛損則胎不成實或因暴怒傷肝房勞傷腎則胎氣不固易致不安或受孕之後患生他疾干犯胎氣致胎不安者亦有之或因跌撲築磕從高墜下以致傷胎墮胎者亦有之然小產墮胎亦自有別五七月已成形象者名為小產三月未成形象者謂之墮胎以上小產墮胎皆出有因若懷胎三五七月無故而胎自墮至下次受孕亦復如是數

數墮胎則謂之滑胎多因房勞太過慾火煎熬其胎因而不安不可不慎者也

胎不安小產墮胎證治

加味聖愈湯

加味佛手散

十聖散

加味芎藭湯

益母丸

胎傷腹痛血未下聖愈湯加杜續砂下血腹痛佛手散
膠艾杜續朮苓加十全續縮減苓桂因病傷胎十聖誇
跌撲芎藭調益母怒勞逍遙地黃佳

註
妊娠胎傷若腹痛不下血者宜用聖愈湯加杜仲
續斷砂仁安之若下血腹痛者宜用佛手散加阿
膠蘄艾杜仲續斷白朮條芩安之若因母病以致
傷胎欲墮者宜十聖散即十全大補湯減茯苓肉
桂加續斷砂仁若因跌撲築磕傷胎欲墮者宜芎

窮湯調益母丸服之芎藭湯即川芎當歸也若暴
怒房勞傷肝腎以致胎動不安者宜逍遙散地黃

湯治之

聖愈湯

佛手散

逍遙散

地黃湯

方俱見首卷

墮胎下血不止血瘀不出證治

獨參湯

回生丹

墮胎暴下血不止面黃唇白獨參湯惡血不出凝脹痛
回生益母酌相當

註妊娠胎墮後血暴下不止面黃唇白者名脫榮宜
用獨參湯峻補其氣以生其血所謂無形能生有
形也若惡血瘀滯不行腹脇脹痛者宜於回生丹
益母丸酌其虛實緩急相當而用之

回生丹 見產後彙方

子死腹中總括

子死腹中湏急下舌青腹痛冷如冰時久口中穢氣出
寒熱峻緩詳斟平

註凡一應傷胎子死腹中者湏當急下勿使上奔心
胸然必驗其舌青面赤肚腹脹大腹冷如冰久之
口中有穢氣出者方可議下然猶必審其人之虛
實寒熱或宜寒下熱下峻下緩下隨其宜而施之

子死腹中證治

佛手散

平胃散加芒消方

下胎緩劑佛手散峻劑平胃加芒消宜熱宜寒須細審
產婦虛實莫溷淆

註孕婦子死腹中宜下者緩下用佛手散峻下用平
胃散加芒消或宜寒下或宜熱下須細細詳審而
投之蓋以產母之虛實或緩或峻不可溷淆輕率

以致誤也

佛手散

方見首卷

辯子母存亡

妊娠一切垂危候母子存亡可預推面赤舌青必子死面青舌赤母命危面舌俱青口吐沫子母俱亡二命虧

註

凡妊娠一切凶危之候欲知母子存亡者當於孕

婦面舌之色定之若面赤舌青則其子必死面青舌赤則其母必亡若面舌二者俱見青色口角兩

邊流涎沫者則子母二命俱不能保也

胎蘊癥瘕

妊娠有病當攻下良其大半而止之經云有故而無殞與病適當又何疑

註凡孕婦素有癥瘕舊疾或有新病應攻下者但攻其大半餘俟其自消不可盡攻經云有故無殞言藥雖峻有病則病受之不能傷胎也攻其大半與病相當又何疑於有妊必不可攻之說耶

胎不長證治

八珍湯

六君子湯

胎萎不長失滋養氣血不足宜八珍脾虛胃弱六君子
穀化精微氣血生

註
妊娠五六個月胎萎不長由於妊母稟賦虛弱若

屬氣血兩虛者宜用八珍湯若脾虛胃弱者宜用
六君子湯但使飲食強壯俾水穀運化精微則氣

血日生而胎自長矣

八珍湯

六君子湯

方俱見首卷

子瘖證治

子瘖聲啞細無音非謂絕然無語聲九月胎盛阻其脈
分婉之後自然通

註妊娠九月孕婦聲音細啞不響謂之子瘖非似子
啞絕然無語也蓋少陰之脈絡於舌本九月腎脈

養胎至其時胎盛阻遏其脈不能上至舌本故聲音細啞待分娩之後腎脈上通其音自出矣

子啼腹內鐘鳴證治

黃連煎

腹內鐘鳴與兒哭子啼之證出偶然空房鼠穴土能治黃連煎湯亦可捐

註孕婦腹內有鐘聲或嬰兒在內啼哭者名曰子啼

古書雖載其證然不經見或偶然有之古方用空

房中鼠穴土同川黃連煎湯名黃連煎飲之自愈

臟燥證治

甘麥大棗湯

臟燥無故自悲傷象若神靈大棗湯甘草小麥與大棗
方出金匱效非常

註孕婦無故時時傷悲哀痛象若神靈憑依者名曰

臟燥宜用金匱甘麥大棗湯服之其方即甘草小
麥大棗三味煎服其效非常也

鬼胎總括

邪思情感鬼胎生腹大如同懷子形豈緣鬼神能交接
自身血氣結而成

註鬼胎者因其人思想不遂情志相感自身氣血凝
結而成其腹漸大如懷子形狀古云實有鬼神交
接其說似屬無據婦人石瘕腸覃二證亦俱如懷
孕之狀由氣血凝結而成則可知其必無是理矣

腸覃石瘕證治

香棱丸

腸覃石瘕氣血分寒客腸外客子門二證俱如懷子狀
辨在經行經不行石瘕吳萸湯最效腸覃香棱丸若神
丁木茴香川棟子青皮廣茂與三棱

註經云寒氣客於腸外與衛氣相搏氣不得榮因有
所繫瘕而內着惡氣乃起瘕肉乃生始如雞卵稍
以益大如懷子狀按之則堅推之則移月事以時
下石瘕生於胞中寒氣客於子門子門閉塞氣不

得通惡血當下不下衄以留止日以益大狀如懷
子月事不以時下皆生於女子可導而下由經文
觀之二證雖皆如懷子狀腸覃氣病而血不病故
月事以時下石瘕先氣病而後血病故月事不來
也石瘕宜吳萸湯腸覃宜香稜丸即木香丁香茴
香川棟子青皮廣茂三棱醋煮麴糊為丸也

吳茱萸湯

方見首卷

胎前母子盛衰

母盛子衰胎前病母衰子盛產後殃子母平和無衰盛坦然分娩不須忙

註此言觀孕婦與所懷之胎有盛衰之辨也若娠母氣血壯盛而胎元弱者胎前必多病若孕婦衰弱而胎元壯實則產後其母必多病若子母俱和平無偏盛偏衰則胎前產後均平安無疾可坦然無憂也

胎前有餘詳不足產後不足審有餘產後惟多虧損病

胎前子母盛衰知

註古云胎前無不足產後無有餘此言其常也然胎

前雖多有餘之證亦當詳察其亦有不足之時產後雖多不足之病亦當詳審其每挾有餘之證也欲知產後常多虧損之故於胎前子母盛衰求之可預知也

胎前門彙方

保生湯

人參

甘草 各二錢半

白朮

香附子

烏藥

橘紅 各五錢

右剉每服三錢薑五片煎服

加味六君湯

人參

白朮

土炒

茯苓

陳皮

半夏

各一錢五分

甘草

炙 五分

藿香葉

枇杷葉各一錢

縮砂仁

枳殼各八分

右剉加生薑煎服

加味溫膽湯

陳皮

半夏製

茯苓各一錢

甘草五分

枳實

竹茹

黃芩各一錢

黃連八分

麥冬二錢

蘆根一錢

右剉薑棗煎服

加味平胃散

厚樸

薑汁炒

蒼朮

米泔浸炒

陳皮

甘草

炙

人參

各一錢

右為末每服三錢加薑煎服

延胡四物湯

當歸

川芎

白芍

熟地 各七錢五分

延胡索

二兩
酒煮

右剉水煎服

加味膠艾四物湯

當歸

熟地

阿膠

白芍 各二錢

杜仲 一錢五分

川芎

蘄艾 各八分

右加葱白三寸大豆淋酒煎服

蜜消煎

蜂蜜

芒消

右煎溶化服

加味芎歸飲

川芎 二錢

當歸 五錢

人參 一錢

吳茱萸 五分

阿膠 二錢

蘄艾 八分

甘草 五分

炙

右剉水煎服

道可赤散

生地 三錢

木通 二錢

甘草稍 一錢

燈心一團煎服

五苓散

白朮

土炒

茯苓

猪苓

澤瀉 各二錢半

桂

三分

右剉作一服水煎服

茯苓導水湯

茯苓

枳殼

猪苓

縮砂

木香

陳皮

澤瀉

白朮

木瓜

大腹皮

桑白皮

蘇梗
各等分

右加薑煎服

脹加枳殼

喘加苦葶藶子

腿腳腫加防己

知母飲

知母

麥冬

甘草 各五錢

黃耆

子苓

赤苓 各七錢五分

右咬咀每服四錢水一盞煎至七分去滓入竹瀝
一合溫服

紫蘇飲

當歸

川芎

白芍 各二兩

陳皮

蘇莖葉

大腹皮

各一兩

甘草

五錢
炙

人參

量虛實用

右咬咀每服五錢水二盞生薑五片煎至一盞去滓服日進二服

有熱加黃芩竹茹

心煩加羚羊角

有食加神麴山查

羚羊角散

羚羊角

鎊

獨活

酸棗仁

五加皮

防風

薏苡仁

杏仁

當歸

酒浸

川芎

茯神

各五分
去木

甘草

木香

各二分

右咬咀加生薑五片水煎服

鉤藤湯

釣藤鈎

當歸

茯神

人參 各一兩

苦桔梗

一兩五錢

桑寄生 五錢

右為粗末每服五六錢水二盞煎至一盞去滓溫

服無時忌猪肉松菜

煩熱加石膏二兩半

臨產月加桂心一兩

枳桔二陳湯

陳皮

半夏

茯苓

各二錢

甘草

炙五分

枳殼

桔梗

各一錢

右剉薑煎服

桔梗湯

天冬

去心

赤苓

各一錢

桑皮

桔梗

紫蘇

各五分

麻黃

三分
去節

貝母

人參

甘草

灸各二分

右剉加生薑水煎服

一方有杏仁無貝母

舉胎四物湯

當歸

白芍

熟地

川芎

人參

白朮 各二錢

陳皮

升麻 各一錢

右剉水煎服

麥味地黄湯

熟地 四錢

山萸肉 二錢

山藥 二錢

澤瀉

茯苓

丹皮 各一錢五分

麥冬 二錢

五味子 十二粒

右剉水煎服

五淋散

赤芍

山梔子 各二錢

赤茯苓

一錢二分

當歸 一錢

子苓

六分

甘草

五分

右水煎服

阿膠湯

阿膠

炙燥

熟地

焙

艾葉

微炒

芎藭

當歸

切焙

杜仲

去粗皮炙剉

白朮

各一兩

右咬咀每服四錢水一盞半棗三枚擘破同煎至

八分去滓食前溫服

黃耆湯

糯米

一合

黃耆

二兩

川芎

一兩

右細剉水二大盞煎至一盞溫服

一方無川芎

銀苧酒

苧麻根

二兩

紋銀

五兩

清酒

一盞

右以水二大盞煎至一大盞去渣分溫二服

十聖散

人參

黃耆

白朮

熟地黄

砂仁

各五分

甘草

炙

當歸

川芎

白芍

炒各一錢

川續斷

八分

右剉水煎服

獨參湯

用好人參

二兩
或四兩

右水煎徐徐服

益母丸

益母草

五月五日或六月六
日採之陰乾忌鐵器

右一味以石器碾為細末煉蜜丸彈子大每用一
丸童便好酒各半研化服之

六味地黄丸

熟地

一兩
蒸曬九次

山藥

四兩

茯苓

三兩
乳拌

山萸肉

四兩
酒浸

丹皮

三兩

澤瀉

三兩

煉蜜為丸如梧桐子大每服三錢

桂附地黄丸

即六味地黄丸加肉桂附子

黃連煎

黃連

右一味煎湯調空房中鼠穴內土服

甘麥大棗湯

甘草

三兩

小麥一升

大棗十枚

右以水六升煮取三升溫分三服亦補脾氣

香稜丸

木香

丁香 各半兩

枳殼

麩炒

三棱

酒浸一夕

莪朮

細剉每一兩用巴豆三十粒去殼同炒待巴豆黃色去巴豆不用

青皮

炙

川棟子肉

懷香

各等分炒

右為末醋煮麵糊丸如桐子大硃砂為衣每服三十丸薑鹽湯送下或溫酒下無時

御纂醫宗金鑑卷四十六

欽定四庫全書

御纂醫宗金鑑卷四十七

編輯婦科心法要訣目錄

生育門

臨產

產室

擇收生婆

驚生

試胎弄胎

坐草

臨盆

交骨不開

開骨散

盤腸生

補中益氣湯

十全大補湯

草薢貼法

酥油潤法

難產

產後門

胞衣不下證治

奪命散

產門不閉證治

十全大補湯

血暈證治

清魂散

佛手散

醋漆薰法

惡露不下證治

失笑散

聖愈湯

惡露不絕證治

加味十全大補湯

佛手散

頭疼證治

芎歸湯

八珍湯

心胃痛證治

大巖蜜湯

玉燭散

腹痛證治

失笑散

香桂散

異功散

少腹痛證治

延胡索散

吳茱萸湯

五苓散

脇痛證治

延胡索散

四君子湯

八珍湯

腰痛證治

佛手散

加味六味地黃湯

偏身疼痛證治

起痛散

加味四物湯

腹中塊痛證治

延胡索散

吳茱萸湯

筋攣證治

加味四物湯

八珍湯

傷食嘔吐證治

六君子湯

二陳湯

呃逆證治

丁香豈寇散

茹橘飲

氣喘證治

參附煎

二味參蘇飲

浮腫證治

枳朮湯

小調中湯

小調經散

茯苓導水湯

發熱證治

加味四物湯

加味異功散

六君子湯

生化湯

四物湯

十全大補湯

八珍湯

當歸補血湯

參附湯

寒熱證治

柴胡四物湯

生化湯

更生散

自汗頭汗證治

當歸六黃湯

黃耆湯

參附湯

中風證治

十全大補湯

瘵病證治

加味八珍湯

癱瘓抽搐證治

加味八珍湯

不語證治

加味八珍湯

星連二陳湯

七珍散

八珍湯

二陳湯

欽定四庫全書

御纂醫宗金鑑卷四十七

編輯婦科心法要訣

生育門

臨產

妊娠臨產要安詳腹內雖疼切莫慌舒身仰卧容胎轉
靜待生時不用忙

註 妊娠月足臨產腹內如覺動轉疼痛須要安詳莫

自慌亂舒體仰卧時時緩步使兒身轉正靜以待之至其生育之時自然順生不用忙也

產室

產室寒溫要適時嚴寒酷熱總非宜夏要清涼冬要煖病者醫人俱要知

註產室之內四時俱要寒溫適中若太熱太寒均不相宜夏月必須清涼勿令炎熱致產母中暑暈迷倘有其事不妨少與涼水以解之冬月必須溫煖

勿令寒冷以致血凝難產當多備火爐使產母腰背下身就火烘之此臨產之家及醫人皆當知之者也

擇收生婆

臨產穩婆須預擇老成歷練又精明無故莫教使手法寬心寧耐待時生

註臨產之家必用收生婆須預先擇老成歷練明白經事之人無故切勿令其先使手法如試水探漿

等事但囑令寬心寧耐以待生時可也

驚生

人語喧譁產母驚心虛氣怯號驚生急須止靜休嘈雜
產母心安胎自寧

註產房之內不可多人人多則語聲喧譁產母之心
必驚驚則心氣虛怯至產時多致困乏號曰驚生
有如此者須急急摒出只留服役一二人使寂靜
而無嘈雜之聲則母心始安安則其胎亦寧靜矣

試胎弄胎

月數未足腹中痛痛定如常名試胎臨月腹痛腰不痛
或作或止名弄胎二者均非正產候但須寧靜莫疑猜
註妊娠八九個月時或腹中痛痛定仍然如常者此
名試胎宜養血以安其胎若月數已足腹痛或作
或止腰不痛者此名弄胎不宜輕動二者均非正
產之時切勿躁擾疑惑惟宜寧靜以待其時
坐草

坐草須知要及時兒身未順且遲遲若教產母用力早逼胎不正悔難追

註凡產婦坐草最要及時不可太早若兒身未順寧可遲遲寬心以待倘坐草太早非正產之時妄使產母用力往往逼胎不正遂至橫倒者有之雖悔無及矣

臨盆

兒身轉順頂當門胞漿已破腹腰疼中指跳動穀道挺

臨盆用力送兒生

註凡兒之生自有其時時至則兒身轉順頭頂正當產門胞漿大來腰重腹痛穀道挺迸產母中指中節或本節跳動此方為正產之時方可臨盆用力送兒自順生矣

交骨不開

交骨不開須細審或因不足或初胎總宜開骨通陰氣佛手龜板婦髮灰若因不足加參妙一服能令骨立開

註產婦交骨不開有因氣血不足者有因初次胎產者二者均宜用開骨散通其陰氣其方即佛手散加敗龜板與生過子女婦人頭髮也氣血不足者加人參服之可使其骨立開

盤腸生

盤腸未產腸先出已產嬰兒腸不收頂貼草麻服升補腸乾潤以奶酥油

註妊娠婦人有盤腸生者臨產之時其腸先拖出及

兒已產下其腸有仍不收者須以草麻仁搗爛貼於頂心內服升補之劑如補中益氣湯或八珍十全大補等湯加升麻以升補之其腸自收矣

補中益氣湯

十全大補湯方俱見首卷

難產

難產之由不一端胎前安逸過貪眠驚恐氣怯用力早胞破血壅血漿乾

註

妊娠難產之由非只一端或胎前喜安逸不耐勞碌或過貪眠睡皆令氣滯難產或臨產驚恐氣怯或用力太早則產母困乏難產或胞傷血出血壅產路或胞漿破早漿血乾枯皆足以致難產臨證之工不可不審也

產後門

胞衣不下證治

胞衣不下因初產用力勞乏風冷凝下血過多產路澁血入胞衣腹脹疼急服奪命沒竭散勿使沖心喘滿生諭令穩婆隨胎取休驚產母莫教聞

註產婦胞衣不下者或因初產用力困乏風冷相干致血瘀凝或因下血過多血枯產路乾澁或血入胞衣脹滿疼痛皆能使胞衣不下均當急用奪命

散即沒藥血竭二味為散也免致上攻心胸脹滿
喘急為害不小且宜諭令穩婆隨胎取下莫使產
母聞之恐被驚則愈難下也

產門不閉證治

產門不閉由不足初產因傷必腫疼不足十全大補治
甘草湯洗腫傷平

註

凡產後玉門不閉者多由氣血不足所致亦有因
初產傷重者必腫而疼也氣血不足者用十全大

補湯治之因傷腫痛者濃煎甘草湯洗之其腫傷
自平

十全大補湯方見首卷

血暈證治

清魂散

產後血暈惡露少面脣色赤是停瘀惡露去多脣面白
乃屬血脫不須疑虛用清魂荊芥穗人參芩草澤蘭隨
腹痛停瘀佛手散醋漆薰法總相宜

註產後血暈有因惡露去少內有停瘀上攻迷暈者
面脣必赤色有因去血過多血脫而暈者面脣必
色白血弱者宜用清魂散即荊芥穗人參川芎甘
草澤蘭葉也若停瘀腹痛者用佛手散二者俱宜
頻燒乾漆及用火燒鐵釘淬醋不時薰之

佛手散方見首卷

惡露不下證治

惡露不下是何因風冷氣滯血瘀凝若還不下因無血

面色黃白不脹疼風冷血凝失笑散去多聖愈補而行
註產後惡露不下有因風冷相干氣滯血凝而不行者必腹中脹痛有因產時去血太多無血不行者面色必黃白腹必不疼以此辨之血凝者用失笑散逐而行之無血者用聖愈湯補而行之

失笑散

聖愈湯方俱見首卷

惡露不絕證治

惡露不絕傷任衝不固時時淋漓行或因虛損血不攝或因瘀血腹中停審色污淡臭腥穢虛補實攻要辨明虛用十全加膠續瘀宜佛手補而行

註產後惡露乃裏兒汚血產時當隨胎而下若日久不斷時時淋漓者或因衝任虛損血不收攝或因瘀行不盡停畱腹內隨化隨行者當審其血之色或污濁不明或淺淡不鮮或臭或腥或穢辨其為實為虛而攻補之虛宜十全大補湯加阿膠續斷

以補而固之瘀宜佛手散以補而行之

十全大補湯

佛手散方俱見首卷

頭疼證治

產後頭疼面黃白無表無裏血虛疼惡露不行兼腹痛
必因瘀血上攻冲逐瘀芳歸湯最效虛用八珍加蔓荊
註產後頭疼若面色黃白無寒熱身痛之表證又無
便秘之裏證則是因產後去血過多血虛頭痛也

若惡露不行兼腹痛者乃屬瘀血上攻之痛也去
瘀以芎歸湯補虛以八珍湯加蔓荊子

八珍湯方見首卷

心痛證治

大巖蜜湯

心痛厥逆爪青白寒凝大巖蜜溫行四物去芎加獨活
薑桂茱萸草遠辛因食惡食多嘔吐麴麥香砂入二陳
大便秘結小便赤兼熱飲冷玉燭攻

註

產後心胃痛若四肢厥逆爪甲青白乃風冷寒凝
氣血滯澁宜用大巖蜜湯溫以行之即生地當歸
赤芍獨活乾薑桂心吳茱萸甘草遠志細辛也若
因飲食停滯中脘作痛必惡食嘔吐宜二陳湯加
神麴麥芽木香砂仁若大便結硬小便赤澁渴欲
飲冷者乃內有實熱也宜玉燭散攻之

玉燭散方見首卷

腹痛證治

香桂散

去血過多血虛痛去少壅瘀有餘瘀傷食惡食多脹悶
寒入胞中見冷形血虛當歸建中治瘀壅失笑有奇功
傷食異功加查麴胞寒香桂桂歸芳

註產後腹痛若因去血過多而痛者為血虛痛若因
惡露去少及瘀血壅滯而痛者為有餘瘀若因傷
食而痛者必惡食脹悶若因風寒乘虛入於胞中
作痛者必見冷痛形狀血虛宜當歸建中湯血瘀

宜失笑散傷食宜異功散加山查神麴胞寒宜香桂散即佛手散加桂心也

當歸建中湯

失笑散

異功散 方俱見首卷

少腹痛證治

延胡索散

少腹痛微名兒枕硬痛尿利血瘀疼尿澁淋痛蓄水證

紅腫須防癰疽癰兒枕瘀血延胡散歸芍蒲桂琥珀紅蓄水須用五苓散癰疽吳茱萸溫散行

註
產後少腹痛其痛若微乃產時血塊未淨名兒枕痛若少腹堅硬小便利者為瘀血痛少腹硬而小便利淋澀脹痛者乃蓄水作痛若堅硬紅腫而痛者須防成癰疽癰之證因兒枕瘀血者宜延胡索散即當歸赤芍蒲黃肉桂琥珀紅花也因水蓄者宜五苓散若將成癰疽癰者當以吳茱萸湯溫

散之

吳茱萸湯方見首卷

五苓散方見三卷

脇痛證治

脇痛瘀滯犯肝經左血右氣要分明血用延胡散可治
氣宜四君加柴青去血過多屬虛痛八珍加桂補其榮
註產後脇痛因氣血瘀滯干犯肝經在左多屬血在
右多屬氣血宜延胡索散氣宜四君子湯加柴胡

青皮若因去血過多而痛者為虛痛宜八珍湯加肉桂以補其榮血自愈

四君子湯

八珍湯方俱見首卷

腰痛證治

腰疼下注兩股痛風冷痺滯在經佛手散加獨活桂續斷牛膝桑寄生血多三陰傷氣血地黃桂附續杜尋

註產後腰疼下注兩股皆痛者乃產時風冷乘之瘀

血滯於肝經宜用佛手散加獨活肉桂續斷牛膝
防風桑寄生以溫散而行之若因去血過多三陰
經氣血虧損者則當用六味地黃湯加肉桂附子
續斷杜仲以溫補之

佛手散

六味地黃湯

方俱見首卷

偏身疼痛證治

趣痛散

產後身疼榮不足若因客感表先形起痛散用歸耆朮
牛膝甘獨薤桂心血瘀面唇多紫脹四物秦艽桃沒紅

註產後偏身疼痛多因去血過多榮血不足或因風

寒外客必有表證二者俱宜用起痛散即當歸黃
耆白朮牛膝甘草獨活薤白桂心也若面唇紫色
身脹痛者必是停瘀所致宜用四物湯加秦艽桃
仁沒藥紅花以行之

四物湯方見首卷

腹中塊痛證治

產後積血塊冲疼多因新產冷風乘急服延胡散可逐
日久不散血瘀成更有寒疝亦作痛吳茱萸溫散不須攻
註產後腹中有塊堅硬攻痛多因新產之後風冷乘
虛而入以致瘀血凝結宜服延胡索散以逐之若
遲久不散必結成血瘀矣又有寒疝之證亦在少
腹中攻築而痛此屬寒氣滯澁宜用吳茱萸湯溫
散其寒自愈不必攻也

吳茱萸湯方見首卷

筋攣證治

產後筋攣雞爪風血虧液損復乘風無汗養榮兼散邪
四物柴瓜桂鉤藤有汗八珍加桂枝黃耆阿膠大補榮

註

產後筋脈拘攣疼痛不能舒展俗名雞爪風皆由
產後血液虧損不能榮筋又被風乘故令拘攣疼
痛也無汗者宜於養榮之中兼祛外邪用四物湯
加柴胡木瓜桂枝鉤藤若有汗者宜八珍湯加桂

枝黃耆阿膠以大補其榮血可也

四物湯

八珍湯方俱見首卷

傷食嘔吐證治

產後傷食心下悶惡食嘈雜吞吐酸六君查麴香砂共
嘔逆痰涎二陳煎

註
產後過食肉麵傷於飲食者必心胸飽悶惡聞食
氣懊懷嘈雜吞酸吐酸宜用六君湯加山查神麴

香附縮砂以補而消之若更嘔逆痰涎必是兼痰

兼飲宜二陳湯加減調治

六君子湯

見首卷

二陳湯

見三卷

呃逆證治

丁香豆蔻散

茹橘飲

產後呃逆胃虛寒丁香白蔻伏龍肝桃仁吳萸湯冲服

不應急將參附添熱渴面紅小便赤竹茹乾柿橘紅煎
註產後呃逆皆因氣血兩傷脾胃虛寒中焦之氣厥
而不順所致宜服丁香豆蔻散即丁香白豆蔻伏
龍肝為末也用桃仁吳茱萸煎湯沖服如不效當
以參附湯峻補之若發熱面紅小便赤色屬熱實
者宜用竹茹乾柿橘紅煎服之名茹橘飲
氣喘證治

二味參蘓飲

產後氣喘為危候血脫氣散參附煎敗血上攻面紫黑
二味參蘓奪命痊

註
產後氣喘極危證也因下血過多榮血暴竭衛氣
無倚孤陽上越宜驟補其氣用參附煎湯不時飲
之若因惡露不行敗血上攻於肺而喘者必面色
紫黑宜奪命散下瘀瘀去喘自定虛者參蘓飲即
人參一兩為末蘓木二兩煎湯沖服也

浮腫證治

枳朮湯

小調中湯

產後腫分氣水血輕浮脹滿氣之形水腫喘嗽小便澀
皮如熟李血之情氣腫枳朮湯最效水腫茯苓導水靈
血腫調中歸芍木茯苓陳煎沖小調經歸芍珀麝辛桂沒
理氣調榮瘀血行

註
產後浮腫由於敗血乘虛流入經絡血化為水故
令浮腫然有氣腫水腫之別不可不辨也若輕虛

浮腫心胸脹滿者因素有水飲所作名曰氣分也
宜用枳朮湯即枳實白朮煎湯服之若喘嗽小便
不利者則為水腫宜茯苓導水湯利之若皮如熟
李或偏身青腫者則為血分宜小調中湯治之其
方即當歸白芍藥白朮茯苓陳皮煎湯沖小調經
散服之即當歸赤芍琥珀麝香細辛肉桂心沒藥
也

茯苓導水湯方見三卷

發熱總括

產後發熱不一端內傷飲食外風寒瘀血血虛與勞力
三朝蒸乳亦當然陰虛血脫陽外散攻補溫涼細細參

註產後發熱之故非止一端如食飲太過胸滿嘔吐

惡食者則為傷食發熱若早起勞動感受風寒則
為外感發熱若惡露不去瘀血停留則為瘀血發
熱若去血過多陰血不足則為血虛發熱亦有因
產時傷力勞乏發熱者三日蒸乳發熱者當詳其

有餘不足或攻或補或用涼藥正治或用溫熱反治要在臨證細細參考也

發熱證治

加味四物湯

加味異功散

生化湯

產後發熱多血傷大法四物加炮薑頭疼惡寒外感熱四物柴胡蔥白良嘔吐脹悶傷食氣異功查麴厚朴薑

脾不化食六君子瘀血腹痛生化湯當歸川芎丹參共
桃仁紅花炮乾薑

註產後發熱多因陰血暴傷陽無所附大法宜四物
湯加炮薑從陰引陽為正治若頭疼惡寒而發熱
者屬外感不當作傷寒治惟宜用四物加柴胡蔥
白服之若嘔吐脹悶屬傷食若倦怠氣乏者屬傷
氣宜用異功散加山查神麴厚朴生薑治之若因
脾虛不能化食而停食發熱者宜六君子湯若因

瘀血發熱者必兼腹痛宜用生化湯即當歸川芎

丹參桃仁紅花薑炭也

六君子湯

異功散

四物湯方俱見首卷

勞力發熱用十全氣血兩虛八珍痊血脫躁熱補血效

虛陽外越參附煎

註產後發熱因產時用力勞乏者宜十全大補湯氣

血兩虛者八珍湯去血過多血脫煩躁乾渴面赤而熱者宜當歸補血湯若陰血暴脫孤陽無附而外越發熱者急進參附湯遲則必大汗大喘是陽欲亡雖藥必無救矣

十全大補湯

八珍湯

當歸補血湯方俱見首卷

寒熱總括

寒熱往來通更換乍寒乍熱時熱寒寒熱似瘧按時發
壯熱憎寒熱畏寒

註產後寒熱名既不同其證亦異當先明辨之如曰

寒熱往來者謂寒去熱來熱去寒來通相更換也
曰乍寒乍熱者謂有時寒有時熱寒熱無定時也
曰寒熱似瘧者謂或先寒後熱或先熱後寒一定
不移至其時而始作也曰壯熱憎寒者謂其身既
壯熱而復時時畏寒也

往來寒熱陰陽格時熱時寒榮衛乖寒熱似瘧瘵兼食
壯熱憎寒帶表推

註
產後血氣虛損陰陽不和則寒熱往來陰陽相乘
榮衛不調則時寒時熱敗血不散飲食停滯則寒
熱似瘧汗出遇風則壯熱憎寒有諸內自形諸外
辨之既明然後治無不愈矣

寒熱證治

往來寒熱陰陽格柴胡四物各半湯榮衛不和乍寒熱

歸芍芩參甘草薑寒熱似瘡瘕兼食生化柴胡查麴良
憎寒壯熱更生散歸地芩參荊穗薑

註
產後陰陽不和往來寒熱者宜柴胡四物湯若榮
衛不調乍寒乍熱者用摺損四物湯其方即當歸
白芍川芎人參甘草乾薑也若停瘕兼食寒熱似
瘡者用生化湯加柴胡山查神麴若感受風寒憎
寒壯熱者宜更生散即當歸熟地川芎人參荊芥
穗乾薑也

柴胡四物湯 方見首卷

自汗頭汗總括

產後陰虛陽氣盛微微自汗却無妨頭汗陰虛陽上越
周身大汗是亡陽

註產後血去過多則陰虛陰虛則陽盛若微微自汗
是榮衛調和故雖汗無妨若周身無汗獨頭汗出
者乃陰虛陽氣上越之象也若頭身俱大汗不止
則恐有亡陽之慮矣

自汗頭汗證治

當歸六黃湯

黃耆湯

虛熱上蒸頭汗出治用當歸六黃湯黃芩連蘗炒黑用
歸耆生熟二地黃自汗黃耆湯牡蠣耆朮苓甘麥地防
大汗不止陽外脫大劑參附可回陽

註

產後亡血陰虛陽熱上蒸頭上汗出至頸而還者
宜當歸六黃湯即黃連黃芩黃蘗當歸黃耆生地

熟地也內苓連藥三味俱炒黑用若自汗太甚宜黃耆湯即牡蠣粉黃耆白朮茯苓甘草麥冬熟地防風也若陰血大脫孤陽外越大汗不止非大劑參附不能回陽也

中風證治

產後中風惟大補火氣風痰末治之十全大補為主劑
臨證詳參佐使宜

註
產後氣血大虛雖患中風惟宜大補即有火熱風

痰氣閉亦當末治總以十全大補湯主之臨證詳
參其火氣風痰而佐使之

十全大補湯

方見首卷

瘕病證治

加味八珍湯

新產血虛多汗出易中風邪瘕病成口噤項強身反折
八珍者附桂防風搖頭氣促寒不止兩手撮空莫望生
註產後血氣不足藏府皆虛多汗出腠理不密風邪

乘虛襲入遂成痙證手三陽之筋結於頷頰風入
頷頰則口噤陰陽經絡周環於身風中經絡則頭
項肩背強直如角弓反張之狀產後患此皆屬虛
象惟宜用八珍湯加黃耆附子肉桂大補其陰陽
少佐防風以治之若見頭搖喘促汗出不止兩手
撮空者則為真氣去邪氣獨留必死之候故曰莫
望生也

八珍湯

方見首卷

瘕癰抽搐證治

加味八珍湯

陰血去多陽氣熾筋無所養致抽搐發熱惡寒煩又渴
八珍丹地鈎藤鈎抽搐無力戴眼折大汗不止命將休
註產後血去太多陽氣熾盛筋無所養必致瘕癰抽搐

抽搐發熱惡寒心煩口渴不宜作風治惟當氣血兼
補用八珍湯加丹皮生地鈎藤鈎治之若無力抽
搐戴眼反折大汗不止者則為不治之證故曰命

將休也

八珍湯

方見首卷

不語證治

加味八珍湯

星連二陳湯

七珍散


產後不語分虛實痰熱乘心敗血衝氣血兩虛神鬱冒
寔少虛多要辨明虛用八珍藤菖志痰熱星連入二陳

敗血衝心七珍散芎地辛防硃蒲參

註產後不語須分虛實治之有痰熱乘心者有敗血衝心者有氣血兩虛而鬱冒神昏者大抵產後屬虛者多而實者少也虛宜八珍湯加鈎藤菖蒲遠志痰熱宜二陳湯加膽星黃連敗血衝心宜七珍散即川芎生地細辛防風硃砂菖蒲人參也

八珍湯方見首卷

二陳湯方見三卷



御纂醫宗金鑑卷四十七